

廣東府縣志輯

中國地方志集成

康熙陽江縣志  
民國陽江縣志


# 中國地方志集成

廣東府縣志輯④⑩


民國陽江縣志

康熙陽江縣志

上海書店 ● 巴蜀書社 ● 江蘇古籍出版社



康熙陽江縣志



(清)

范士瑾纂修

本書四卷。現據上海圖書館藏清康熙二十七年（一六八八）刻本影印。有缺佚。

夜水兢適承

憲檄行取各縣志書以備  
查核是以暫將舊志印  
刷上呈而

憲臺以陽江近事失紀未  
為全書瑾隨躬率學博

陽江縣志

序

五

并集邑中紳士耆老矢  
慎矢公親為繙閱前志  
見其義例叢雜條目不  
倫因細加研考次第其  
篇先為列圖者一俾縣  
境城郭咸歸尺幅之中

繼則為考者六始建置

次星野而疆域而山川  
而古蹟次之而賦役又  
次之為紀者四始學校  
而祠祀次之而兵防而  
縣事又次之為表者二

陽江縣志

序

三

曰秩官曰選舉在名宦  
在人物則各為傳者一  
而以物產藝文二志終  
焉稽其事則增於前按  
其文則簡於舊仍屬前  
志經手者重加校訂互

相商確務令義正詞嚴  
足以表世範俗昭示來  
茲凡所見異辭所聞異  
辭與傳聞異辭者皆不  
敢以影響畱疑至折衷  
舉筆則一斷乎舊章或

陽江縣志

序

四

更文見義必近參乎衆  
例彌月就緒爰繕錄成  
編進呈

憲覽泰山不棄土壤故能  
成其高河海不擇細流  
故能成其大茲下邑志

書告成或於

國家大一統之版圖稍備彈  
丸典籍之萬一云爾

皆

康熙二十七年歲次戊

辰秋七月

陽江縣志

序

五

賜進士出身文林郎知陽  
江縣事丁卯科同考試  
官濟南范士瑾謹撰



陽江縣志卷之一

濟南范士瑾問西甫修輯




邑人 陳本仲 該甫 校訂  
姜輝 岳伯 隱甫 分輯

地輿圖


古人不出戶庭周知天下故蕭相國得秦圖籍而漢天子獲悉天下戶口阨塞圖誠要矣蓋惟王建國辨方正位幅員既備於圖則內而城郭凡縣治學宮以及武衛公館皆列焉外而疆界凡江山險隘以及驛遞郵傳皆列焉尺幅之內燦若列眉從此制治保邦自可按圖推之而準也輿地輿圖

陽江縣志

卷一 輿圖




縣治圖





陽江縣志

卷一 輿圖






陽江縣志  
卷一 輿圖  
三




陽江縣志  
卷一 輿圖  
四









同校閱姓氏

儒學教諭葉自茂

儒學訓導黃以敬

舉人梁俞廷

貢生蘇應暉 蘇天士 陳要 李玟

林聯顯 李上林

監生林昌時 陳鴻鼎 李奇煥 蘇澆

生員仇宗鳳 徐寔大 譚聲駿 徐英譽

陳策 史粵稽 陳卽泰 沙英士

黃廷俊 蔡吉生 戴藻 李肇

陽江縣志

卷一 姓氏

林上苑 陳志元 吳挺楓 關瓌

許弘緒 蘇滢 仇宗尹 梁麤牲

張士瑄 蘇燦 李枚 杜煜

蘇茂猷 譚斌 阮圻父 沙道行

李作梅 李源濬 姜熙績

陽江縣志目錄

第一卷

地輿圖

建置考

星野考 附氣候 風俗 歲時

疆域考 附鄉村 郵遞 橋渡

山川考

古蹟考 附廟宇 墳墓

第二卷

賦役考 附鹽戶 魚課 屯田 徭戶 賦稅 鹽課

陽江縣志 卷一 目錄

學校紀 附書院 義學

祠祀紀

兵防紀 附所職

第三卷

縣事紀

秩官表

選舉表

名宦傳 附流寓

人物傳 附武勳 鄉耆 孝子 列女

第四卷

物產志

藝文志

陽江縣志 卷一 目錄

一

建置考

昔大禹畫九州近紀甸遠紀荒而聲教則暨於四海肇屬有陽江蓋南海要荒邑也三代以前曾從百粵啓宇建邦矣自隋唐後迭置迭更其間或析縣以隸州或併州而屬郡代異而名不同從此分職設官名號亦異故古者州有守今則縣有令詩曰職思其居令茲土者觸目城池公署皆斯民生聚教養之區思副其居將在是矣輯建置考

陽江本禹貢揚州南境百粵之地三代以上所不及詳至秦始皇二十五年遣將王翦南征百粵取其地置

陽江縣志

卷一 建置

一

南海郡其後南海尉任囂以郡事屬龍川令趙佗使之拓土自王已而稱帝漢孝文時去帝號臣服於漢傳四世其相呂嘉反武帝遣將討平之元鼎六年分置南海蒼梧鬱林合浦交趾九真日南珠崖儋耳九郡初開高涼縣隸合浦郡桓帝續置高興郡三國吳改高涼郡開海安縣晉武帝析置西平恩平二縣復改海安西平屬高興郡梁乃錯置杜陵永寧宋康齊安四郡隋初並廢為縣開皇十八年改杜陵曰杜原宋康曰義康齊安復名海安改西平曰陽江此陽江之名所自始也尋廢永寧義康入杜原隋亡左武衛

大將軍馮盎據高涼地唐武德五年盎以地歸附析置高羅春白厓儋臨振八州貞觀中廢高州都督府置恩州又更置陽江齊安西平杜陵四縣屬之天寶元年改恩州為恩平郡至德二年又改齊安縣為恩平縣大順二年復徙郡治於恩平縣五代間南漢劉隱據郡宋開寶四年徙治於陽江五年廢春州以其地來屬六年復析去九年廢郡以恩平西平杜陵省入陽江仍隸恩州慶曆八年因改河北路貝州為恩州故稱恩州為南恩州元至正十七年土人吳元良作亂據州二十六年蛋戶何均受殺之復據州稱元

陽江縣志

卷一 建置

二

帥明洪武元年征南將軍廖永忠遣將討平之三年廢南恩州以其地併入陽江縣隸肇慶府編戶七十餘里成化十六年割水東都二里仕峒都三里湊立恩平縣又因寇亂民亡併為二十九里萬曆十一年增北慣一畝南河二畝虔儒一畝白石二畝共三十五里

國朝因之康熙元年閩寇竊發詔邊海居民內遷三年再遷尚存十一里八年展復邊界惟壽文都三里越在海陵外島二十三年海禁大開海島遷民歸業陽江復還三十五里

城池

陽江縣城卽古南恩州舊址宋紹聖五年知州丁璉始築土城元大德間繞城種刺竹以爲障明洪武三年千戶張均德甃以磚石高二丈厚一丈五尺周八百九十二丈濠深一丈闊三丈五尺周九百七十丈砲樓六砲臺一瞭臺十二窩舖四十四塚口一千三百五十三門樓四東曰承宣西曰威肅南曰寧海北曰鎮安正德八年嶺西叅政黃顯砌南北兩壩蓄水嘉靖中壩壞知縣吳煥章壘以石國朝康熙十一年修建四門樓

陽江縣志 卷一 建置 三

海朗守禦所城在縣東南五十里洪武二十七年都指揮花茂建周五百八十八丈高一丈四尺萬曆四年增高三尺門樓四萬曆三十年海防徐璘建敵樓六座

北津城在縣南三十里高一丈五尺厚四尺有奇周二百二十丈門三樓七康熙十年修尋廢十八年重修添設後山砲樓子城邑人蔡長祚督造北津向未有城自許思歸義以屨灰合沙土築城自守池其外明萬曆十四年兵備王泮用同知方應時議始依許思蕃城修築如制詳見藝文葉春及記

雙魚城在縣西南一百五十里洪武二十七年都指

揮花茂建周四百八十八丈厚一丈高一丈八尺門樓四康熙十年重修

蓮塘驛城明嘉靖三十三年僉事林應奎建周三百二十八丈高一丈四尺窩舖九塚口五百一十八

東西門樓各一萬曆中知縣宋良木重修

太平驛城嘉靖四十五年建周三百六丈東西門各

一窩舖九萬曆中宋良木重修宋建大墟站明改太平驛洪武十二年徙今地隆慶五年撫徕同知議立縣於此不果

樂安驛城明隆慶五年建周二百丈原在下寮成化間按察使陶魯

以下寮沮洳行旅不便乃徙於此地雖在陽江而驛屬陽春隆慶中經上臺酌計里道撤行陽春縣

陽江縣志 卷一 建置 四

知縣熊烈築城甃以磚石

公署

縣署在鼇山左隆慶四年知縣王仲創建萬曆四年

知縣陳嘉謨增置

國朝康熙十年知縣孫廷鐸重修

典史署 在縣署大門左康熙十年一年典史朱文煥重修

太平驛驛丞署 在太平驛城今廢

大有倉 在宣化坊胡設大使一員今裁

海防館 在縣署東南萬曆五年建康熙年間禁海停汛崩毀無存二十五年知縣范士瑾重建

協鎮署 在東門內前卽巡道行臺順治年間改建後樓及東廳一帶俱係姜家舊居

中軍都司署 在舊察院行臺東前卽守備司

左營守備署 在陽春城

右營守備署 在雙魚城

陽江縣志

卷一 建置

五

星野考

周禮保章氏以星土辨九州察災祥後世儒者因之蓋天與地精氣相感地有是形天卽有是氣故在天爲分星在地爲分野相傳江邑亦古揚州地凡氣候與歲時風俗仰觀天星皆屬牛女之分乃箕子有云庶民惟星然則好風好雨應自庶民徵之何以昔王一言之善而妖星退舍天道遠人事邇是又在乎有民者修人事以應天道矣輯星野考

舊志分野曰星紀分星曰牽牛婺女星土曰揚州官

陽江縣志 卷一 星野

曰磨竭

自斗十一度至婺女七度曰星紀於辰在丑謂之赤奮若於律爲黃鍾斗建在子吳越之分野揚州之星土也陽江古揚州南境百粵地牽牛婺女爲粵分此星土之屬於經星者也

漢天文志註星經曰熒惑主霍山楊荆交州

熒惑火星唐一行云觀地之兩成江河與天之雲漢始末而分野可知蓋謂星紀得雲漢降氣爲百川下流又斗杓爲外庭主治外故鶉尾爲南方負海之國是故星紀鶉尾負南海熒惑位焉此星土

之屬於緯星者也

玉衡九星主九州六十郡第六星主揚州六郡周禮

保章氏疏春秋緯文王勾云布度定紀分州繫象

蒙山以東至南江會稽震澤徐楊之州屬權星此

九州又分主於北斗者也

按星野諸家之說不同陳卓起斗十二費直說周

易起斗十蔡邕月令章句起斗六唐一行起斗九

終女四各存其疑以待弘覽者取衷焉

氣候

隋志云嶺南土地皆下濕偏多瘴癘李西美攝生論

陽江縣志

卷一 星野

二

云嶺南瀕海地卑土薄故陽燠之氣常泄陰溼之

氣常盛陽氣泄故四時常花三冬無雪椅桐楊柳

之外鮮有改柯易葉者一歲之中炎暑過半冬暖

或至搖扇臘殘每有凱風和煦謂之送年南所稱

嶺南溟海洩潤溫風徐來斯謂東南之仁風者是

也陰氣盛故晨多霧昏秋間為甚咫尺不辨牛馬已後始散春夏雨

淫或風氣淒清便欲裝綿諺云急脫急急著勝於服

藥故調攝不可不慎也溽暑炎蒸衣服書畫或不

鮮潔輒生白醜夏秋間每有颶風甚者拔木發屋

海船九憚之常以海氣腥及斷虹犂頭雲為驗風池

嶺南雜咏云誰跨鯨鯢斬斷虹海波飛入陣雲空  
開凌真臘船收澳知是來朝起颶風又云孽船盡  
入沙灣泊為避  
犂頭海上雲

物生常早自十月至正月皆有桃李花二月螻蝻鳴

蚯蚓出黃瓜生苦菜秀然生而不力氣常宣泄也

其肅常遲九月禾乃登十月水始涸蟄蟲坯戶但

肅而不嚴氣不收斂也

日中酷暑驟雨初霽陰陽之氣交剝草木鬱蒸行人

宜暫駐屏處以避之

劉元城語錄云某初到南方有一高僧教某南方地

熱而酒性亦熱今嶺南瘴鄉更加以酒必大發病

陽江縣志

卷一 星野

三

故某過嶺即舉家戒酒雖徧歷水土惡弱之處十

口皆無恙不飲酒之效也

風俗

俗尚質朴婚禮問各納采咸用檳榔椰子果餅金幣

格食隨力自辦不強責備嫁女粧飾奩產糖果粉

餌隨從僕婢稱家有無母氏愛女或竭所有弗顧

娶婦日母氏代男子親迎生子女親朋聚飲以片

薑送酒謂之飲薑酒彌月親朋各饋牲米酒果麟

獨致賀謂之暖月娶婦數載子婦多者必分與女

族聞之必遺以瓦鐵器物牲米酒食謂之潤爨有

識之家病卽服藥親朋常造問安或至寢室探視  
沉痾數日或來請禱無知之徒多事巫覡禳星跳  
鬼

喪禮厚薄稱家貧富親朋多行賻奠貧者不擇地而  
葬稍有力者必請堪輿家選吉地然後營葬多停  
柩屋內至數載始歸宅兆喪家薦奠治酒爲具動  
費不貲墳墓多用灰隔

房屋多用筒瓦抹灰少開窓牖以防颶風房內多架  
樓閣貯頓衣服篋箱以避潮溼

衣服常用韋布蕉葛從其簡便羅綺絲紵素封子弟  
陽江縣志 卷一 星野 四  
間或用之不相競侈

飲食粉餌頗精潔冬尚圍爐常歿必用蝦醬飲酒不  
多強醉男女四時常啖檳榔伴以薑葉白灰漬其  
汁於唇如丹東坡詩云紅潮登頰醉檳榔是也凡  
婚嫁賓筵所在必用寧少茶食必不可少檳榔故  
居民多販賣爲活在昔富商巨賈常縛藤步船泛  
海直抵瓊崖文昌會同等處採買檳榔椰子旬日  
往還息輒數倍南番新順之人輻輳營生居民多  
食其餘利今海禁初開添設 關部抽稅船隻往  
來甚少熙攘之風不可復覩矣

魚鹽稻穀之所產民雖貧亦不至饑年雖凶亦不至  
荒利易操而物價平也豐年穀賤斗米錢十餘文  
稅戶艱於封納器用多資他邑地力可以自給故  
無甚貧甚富之家而窮民亦安井里不肯嘯聚爲  
非往往爲隣寇海氛所侮

習俗素尚讀書童子七歲始就外傳貧而年長不能  
從師請益多以訓蒙代耕自資習讀稍知行文便  
可望進或年踰四十而志未餒猶應童子試者但  
一遊泮復下帷攻苦者甚少童子科雖攻冒籍而  
寅緣覬進不能盡絕

陽江縣志 卷一 星野 五  
專協之處不論城鄉多以武健相矜尚產非齊而家

競技擊長非秦而人習鷹膺在城之民或有遊手  
好閒者以博奕爲生復誘人之子弟開場局賭傾  
人家產而不顧鄉落之民多以耕鋤爲業鮮至縣  
門一聽人之包攬更其愚者好勇輕生與富豪閉  
不能勝則服胡蔓草以誣之禁之不絕

婦女見男子輒避或至親始行相見禮故家巨姓翁  
媳不相見叔嫂不通言城市酒肆從無婦女當爐  
鄉落農民或出入相見亦不相笑語頗知禮節  
歲時



元旦五鼓起炷香拜天地神祇祀先以粉餌果酒化楮財燒爆竹送香燭於菴堂男婦行拜年禮卑幼携果酒致敬於親長除夕前炊熟米麩之類可供數日用親友往來爲拜年

迎春預置土牛芒神是日縣官率僚屬陳鼓吹春色迎春於東郊遠近老幼聚觀俗謂幼者以豆撒牛可以稀痘親朋招邀吃春餅生菜

元宵城市張燈年前生子必送花燈於廟觀初十一晚開燈十六晚散燈各用牲酒楮財告神畢邀親朋聚飲謂之飲燈酒好事子弟於數日前裝扮

陽江縣志

卷一 星野

六

獅子龍燈燈色故事塗歌巷舞元夜簫鼓喧闐沿門慶演競放火花慶燈蓮席鷄鳴始散

十六夜小家婦女相邀出門外遣步片時謂之走百

病貪婪之輩藉採青而技人之園間亦有之慎行者羞與爲伍

春社閭里釀錢祀神祈報設席聚會秋社亦然

清明展墓自是日爲始至穀雨止謂之剗青醮山親朋相陪餞餘以爲樂

端午解角黍喫菖蒲艾酒插蒲艾於門男女帶辟兵符自五月一日至五日江中棹龍舟簫鼓喧揚親

友相邀結絲船遊玩備采物放錦標令舟子競奪爲樂江岸老幼聚觀至晚始散

七夕女子羅酒果乞巧先於午時晒衣服及書籍各物

中元以十四日爲節備酒饌楮衣以祀先

中秋以果餠新芋薦先親朋招邀飲玩謂之賞月

重陽以棗糕菊酒祀先親友相邀郊外登高放紙鳶

爲鳥獸蛺蝶之狀有名擡雲者懸藤弓其巔半空聲响嘹唳晚落始息

冬至以粉糍及酒饌祀先燕飲不行拜節禮

陽江縣志

卷一 星野

七

小年十二月二十四晚以果酒楮財祀竈

除夕先日換門神貼春聯門錢是晚祀先羹炮爆竹

長幼宴集謂之守歲不行辭年禮